

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik Fikret Jašarević, (u daljem tekstu Kupac)

*i***DEFTER-KOMERC d.o.o. Sarajevo**

Azize Šaćirbegović bb, 71 000 Sarajevo

ID 4200535260005

koga zastupa direktor Šaćir Pandžo (u daljem tekstu: Prodavac)

zaključili su

**OKVIRNI SPORAZUM O UVJETIMA KUPOPRODAJE ROBE
(RAZNOVRJNI KANCELARIJSKI MATERIJAL)****Član 1.**

Ovim Okvirnim sporazumom ugovorne strane utvrđuju prava i obaveze vezana za prodaju i kupovinu proizvoda iz prodajnog programa prodavca u skladu sa ponudom broj: 02-11/2020 od 09.11.2020. godine, zaprimljene pod brojem: 17-11-44408/20 od 10.11.2020. godine, i to

- LOT 2 – Raznovrsni kancelarijski materijal,

dostavljene po objavljenoj tenderskoj dokumentaciji za nabavku i isporuku kancelarijskog materijala (LOT 2 – Raznovrsni kancelarijski materijal) za potrebe organa Kantona Sarajevo u 2021. godini.

Prodavac se obavezuje vršiti prodaju proizvoda iz stava 1. ovog člana kupcu, a kupac plaćati iste proizvode prema odredbama ovog *Okvirnog sporazuma* a u skladu sa cijenama koje su date u gore navedenim ponudama, koje su sastavni dio ovog *Okvirnog sporazuma*.

Član 2.

Prodavac se obavezuje da će isporuku proizvoda iz tačke 1. ovog *Okvirnog sporazuma* vršiti prema potrebama kupca, kroz potpisivanje ugovora u okviru ovog okvirnog sporazuma, koji će predstavljati ugovaranje pojedinačne isporuke. Prodavac će isporuku proizvoda iz tačke 1. ovog Ugovora vršiti **franco skladište kupac**.

Član 3.

Kupoprodaja proizvoda iz ovog *Okvirnog sporazuma* obavljat će se po cijenama i kvalitetu prihvaćenim u ponudama iz člana 1. ovog *Okvirnog sporazuma*.

Član 4.

Ukupna vrijednost po ovom ugovoru iznosi:

Vrijednost Ugovora bez PDV-a	88.654,15 KM
PDV 17 %	15.071,20 KM
Vrijednost Ugovora sa PDV-om	103.725,35 KM

Slovima: (stotrihiljadesedamstodvadesetpet i 35/100 KM).

Član 5.

Isporuka proizvoda iz tačke 1. ovog *Okvirnog sporazuma* vršit će se na osnovu zahtjeva Kupca, koji će svoje potrebe za proizvodima iskazivati kroz zahtjeve za ponudom, što će predstavljati osnov za ugovaranje isporuka u okviru ovog *Okvirnog sporazuma*.

Član 6.

Kvalitativni i kvantitativni prijem proizvoda iz ovog *Okvirnog sporazuma* kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrde se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po oglasu, kupac će sačiniti komisijski zapisnik kojeg će u roku od 3 dana dostaviti prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 7.

Ukoliko Komisija iz člana 5. ustanovi da kvalitet robe ne odgovara kvalitetu iz ponude, te prodavaca pismeno izvjesti o kvalitativnom nedostatku, prodavac je dužan da u roku od 48 sata otkloni nedostatke (izvrši zamjenu), a ako to ne učini kupac zadržava pravo da u roku od 24 sata raskine jednostrano ovaj *Okvirni sporazum* i o tome pismeno obavijesti prodavca, a isporučenu nekvalitetnu robu vrati prodavcu. Također, kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe.

Član 8.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom - zapisnikom uz obavezu navođenja broja i datuma otpremnice i računa prodavca, kako bi se zadovoljili uslovi reklamacijskog roka od 8 dana. Također, Prodavac se obavezuje da na zahtjev Kupca odgovarajućom dokumentacijom (faktura i otpremnica) dokaže da je isporučenu robu po ovom *Okvirnom sporazuma* nabavio od proizvođača ili ovlaštenog distributera iste.

Član 9.

Prodavac će fakturisati isporučene proizvode po cijenama iz ponuda navedenih u članu 1. ovog *Okvirnog sporazuma*, koje su prihvaćene po javnom oglasu za nabavku i isporuku kancelarijskog materijala (LOT 2). Također, prodavac se obavezuje da će fakture za isporučenu robu ispostaviti u roku od 3 dana od dana isporuke.

Član 10.

Kupac se obavezuje platiti fakturu prodavcu u roku od 60 dana od dana izdavanja i prijema fakture.

Član 11.

Ugovorne strane su saglasne da će sve izmjene i dopune ovog *Okvirnog sporazuma* regulisati aneksom istog, uz provođenje Zakonom o javnim nabavkama propisanih procedura.

Član 12.

Ovaj *Okvirni sporazum* stupa na snagu danom potpisivanja i traje od 01.01.2021. do 31.12.2021. godine.

Član 13.

Ugovorne strane mogu jednostrano otkazati *Okvirni sporazum* pismenim putem sa otkaznim rokom od 30 dana.

Član 14.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Prodavac nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Okvirnog sporazuma o javnoj nabavci, najmanje šest mjeseci po zaključenju Okvirnog sporazuma.

Član 16.

Ovaj *Okvirni sporazum* sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:



Broj: 17-11- 33969- 19/20
Datum: 22.12.2020. godine

PRODAVAC:

DEFTER-KOMERC d.o.o.

Direktor



Broj: 05-12/2020
Datum: 28.12.2020